

Tuzla, 05.08.2021.  
Br. protokola: 341/21

## **CILJEVI I KRITERIJI ZA DODJELU GRANTOVA U OKVIRU FONDA KISELJAK**

Fond za razvoj tuzlanske lokalne zajednice Kiseljak je otvoren u okviru Programa razvoja zajednice unutar kojeg razvijamo građanski aktivizam i podstičemo građane na uključivanje u razvoj zajednice. U okviru ovog programa posebno važan segment daje se organiziranju građana i mladih u ugroženim rubnim naseljima, čije ideje i inicijative za poboljšanje uslova življenja podržavamo kroz ovaj Fond.

### **CILJEVI FONDA**

Osnovni cilj Fonda je unapređenje i razvoj zajednice Kiseljak, kroz sufinansiranje projekata i inicijativa aktivnih građana za rješavanje zajedničkih problema, uz maksimalno korištenje svih raspoloživih lokalnih resursa i promociju suradnje između javnog, civilnog i poslovnog sektora.

### **PODRUČJE DJELOVANJA**

Program podrške razvoju zajednice, Fond Kiseljak, Fondacija tuzlanske zajednice provodi se na području Mjesne zajednice Kiseljak, Grad Tuzla.

### **KO MOŽE APLICIRATI?**

- Članice Lokalne grupe za razvoj Kiseljaka pri čemu je jedna organizacija ili grupa nosilac projekta.
- Registrovana Udruženja koja djeluju i rade s ciljem unapređenje uslova življenja ljudi U MZ Kiseljaku, a koja će projekat realizirati isključivo u MZ Kiseljak.
- Neformalne grupe građana sa područja MZ Kiseljak koje žele realizirati projekat u MZ Kiseljak.

### **ŠTA PODRŽAVAMO?**

Inovativne projekte iz različitih područja društvenog života koji odgovaraju na potrebe lokalne zajednice i kojim se direktno unapređuju uslovi življenja u mjesnoj zajednici Kiseljak (Grad Tuzla). U okviru ovog Fonda, želimo podržati projekte koji potiču inovativna međusektoralna partnerstva i koji će unaprijediti slijedeće oblasti življenja:

- ***Očuvanje prirode, briga o okolišu i klimi***

Želimo da podržimo inicijative koje su usmjerene na brigu o okolišu i koje podstiču odgovoran odnos prema prirodi, brinu o čistoći vode, zemlje i zraka, kao preduslova za održivi razvoj. Dobrodošli su projekti za unapređenje kulture zdravog življenja kroz sprječavanje onečišćenja okoliša, recikliranja, ekološkog uzgoja, promocije korištenja održivih izvora energije, održivog korištenja javnih površina i prirodnih resursa.

- ***Uređenje komunalne infrastrukture (oblast održive i aktivne zajednice)***

Projekti uređenja komunalne infrastrukture od značaja za lokalnu zajednicu kao što su akcije uređenja izvorišta, puteva, regulacije oborinskih voda, čišćenja korita potoka i rijeka, kanala i propusta, izgradnje ili renoviranja prelaza i sl.

- ***Zagovaranje za promjene u smislu poboljšanja položaja građana a posebno marginaliziranih skupina u lokalnoj zajednici***

Projekti sa ciljem izgradnje zajedništva, razvoja demokratskog društva, jačanje osjećaja pripadnosti i lokal patriotizma, društvene kohezije, promocije volonterizma i aktivizma; projekte zagovaranja za



rješavanja problema građana a posebno marginaliziranih skupina, zagovaranje i promociju ljudskih prava, dječijih prava, prava manjina, organizacije javnih debata, okruglih stolova, diskusija, i sl.

- **Smanjenje nejednakosti i ljudska prava**

Želimo da podržimo organizacije i neformalne grupe koje aktivno rade na razvoju demokratskog društva, promovišu rodnu ravnopravnost, zajedništvo i društvenu koheziju. Dobrodošli su projekti zagovaranja i promocije ljudskih prava, rodne ravnopravnosti, prava manjina, prava ranjivih i marginaliziranih grupa, npr. javne kampanje, debate, okrugli stolovi, diskusije i druge aktivnosti usklađene sa potrebama navednih grupa.

- **Kultura, umjetnost i društveni život**

Podržavamo kulturna dešavanja, izložbe, festivale, koncerte, umjetničke predstave, tematske večeri i slično. Prednost će se dati inovativnim idejama što **ne podrazumjeva** godišnje koncerte niti obljetnice i proslave godišnjica

**Navedene oblasti spadaju u prioritetne oblasti, te će shodno tome imati prednost.** Projekti mogu biti i iz sljedećih oblasti, a finansirati će se u skladu sa raspoloživim sredstvima, nakon podrške projektima iz prioritetnih oblasti:

- **Kvalitetno obrazovanje i cjeloživotno učenje**

Želimo da podržimo inicijative kojima se promoviše cjeloživotno učenje i neformalno obrazovanje, ali i koje njeguju kulturu zajedništva i poštivanje različitosti. Dobrodošli su projekti edukativnog karaktera za usvajanje novih životnih vještina i znanja kod svih kategorija stanovništva, bez obzira na različitosti, npr. opismenjavanje, učenje starih zanata, kućne radinosti, proširivanje znanja o njegovanju kulture različitosti, tradicije i slično.

- **Ekonomija i poduzetništvo**

Inovativne projekte koji su usmjereni na razvoj poduzetničkog duha i projekte koji obezbjeđuju samoodrživost organizacijama civilnog društva. Projekte koji podstiču usvajanje vještina i kompetencija potrebnih na tržištu rada, koji su usmjereni na unapređenje rada organizacija civilnog društva i sl.

- **Očuvanje zdravlja, sport i rekreacija**

Podržavamo aktivnosti za mlade, djecu i porodicu, takmičenja i male turnire, između kvartova i lokalnih zajednica, promocije zdravog načina života i omasovljavanje rekreativnog sporta među djecom i mladima. Prednost će se dati inovativnim idejama koji će promovirati rekreativni sport, što **ne podrazumjeva** podršku trenažnom procesu profesionalnih sportskih klubova i njihovih omladinskih pogona.

## OPŠTI KRITERIJI

- U razmatranje će biti uzeti samo projekti koji odgovaraju na potrebu naznačenu u strateškom akcionom planu za razvoj MZ Kiseljak;
- Podržavamo inovativne projekte iz različitih područja društvenog života, sa fokusom na prioritetne oblasti, a koji odgovaraju na potrebe lokalne zajednice.
- Projekti treba da budu zasnovani na volonterskom angažmanu aplikantata i promociji međusektoralne saradnje;
- Prednost dajemo projektima koji imaju dugoročniji efekat na širu lokalnu zajednicu i projektima koji su samoodrživi i nakon završetka projekta;
- **Nosioc projekta može biti formalno registrovano udruženje, mjesna zajednica ili ustanova unutar LGZR, ili neformalna grupa sačinjena od najmanje tri (3) punoljetna pojedinca**
- Neformalne grupe moraju imenovati 3 punoljetne osobe koje će preuzeti punu odgovornost za realizaciju projekta;



- Projektni tim treba biti sastavljen od minimalno 5 aktivista, ali će se prednost dati projektima koji uključuju veći broj osoba iz ranjivih kategorija kao što su žene, mladi, osobe sa invaliditetom, Romi;
- Prednost će imati projekti koji se inkluzivno odnose prema romskoj populaciji iz ove zajednice;
- Mogu trajati **od 1 mjesec do 1 godinu** (početak projekta podrazumijeva datum potpisivanja ugovora, a projekat se završava kada se dostave završni narativni i finansijski izvještaji);
- Vrijednost podrške po jednom projektu može biti u rasponu od **500,00 KM do 2.000,00 KM; a u izuzetnim slučajevima mogu se odobriti i veće donacije uz saglasnost komisije.**
- **Aplikanti mogu aplicirati samo sa jednim projektom na ovaj poziv;**
- Prednost će se dati projektima koji pokažu vidljivu saradnju i podršku lokalnih partnera u zajednici (posebno lokalnih vlasti, ali i poslovnih subjekata, udruženja, pojedinaca, javnih institucija itd.)
- Prednost se daje projektima koji uključuju veći broj građana u realizaciju projekta;
- **Aplikant treba da obezbijedi sufinansiranje projekta u iznosu od 30% od potraživanog iznosa ili veće,** što podrazumijeva jasno iskazano učešće aplikanta u sufinansiranju projekta u vidu uloženog novca ili uloženog volonterskog rada ili donirane robe, alata, opreme ili usluga bilo od strane aplikanta ili drugih lokalnih donatora. Vrijednost volonterskog rada i donacija u robi mora biti izražena u novčanim jedinicama i jasno opisana u aplikaciji. Važno je istaknuti da prilikom izvještavanja aplikant je obavezan da dostavi dokaze za navedeno vlastito učešće (kopije računa, izjave o prijemu donacija, liste volontera itd)
- Daje se prednost manjim organizacijama i aplikantima koji nikad nisu dobili grant od Fondacije.
- Prednost će imati projekti kroz koje se maksimalno koriste postojeći resursi zajednica i u kojima je doprinos grupe jasno prikazan u vidu volonterskog rada i u kojima je jasno naznačena finansijska podrška od strane društveno odgovornih preduzeća, pojedinaca i porodica iz zajednice i dijaspora;
- Prednost će imati aplikanti koji nemaju aktivan projekat u ovom Fondu;
- Odluku o projektima donosi komisija imenovana od strane UO FTZ-a!

### ŠTA NE MOŽEMO PODRŽATI?

Projekat se neće podržati ako se radi o sljedećim slučajevima:

- **projekte koji nisu u skladu sa ciljevima strateškog plana za razvoj MZ Kiseljak; projekte koji nisu u skladu s ciljem poziva;**
- **više od jednog projekta po aplikantu unutar jednog poziva;**
- u pravilu ne dodjeljujemo drugu donaciju za isti projekat osim u posebnim slučajevima kada komisija procjeni da projekat ima dugoročan efekat i da se njime rješava jedan od prioritarnih problema u zajednici;
- lične koristi pojedinca;
- otplate dugova ili kredita;
- za projekte koji su već odrađeni ili se radi o retroaktivnim zahtjevima;
- godišnje finansiranje rada udruženja/grupe;
- projekte druženja članova neke grupe ili udruženja;
- isključivo troškove putovanja, smještaja, putarine, ekskurzija;
- troškove učešća na edukacijama za pojedince ili članove udruženja;
- **projekte čija ukupna vrijednost prelazi 10.000,00KM;**
- **isključivu nabavku opreme ili materijala,** osim u slučajevima kada se projekat ne može realizovati bez određene opreme i u tom slučaju iznos **potraživanja za opremu ne smije prelaziti**



**30% vrijednosti traženog granta** (neformalne grupe koje kroz projekat nabave opremu dužne su svu kupljenu opremu donirati lokalnoj organizaciji ili instituciji po završetku projekta);

- **troškovi projekta ne mogu uključivati najam opreme od neregistrovane kompanije ili od strane fizičkih lica;**
- **troškove prevoza i telefona čije potraživanje prelazi 10% vrijednosti traženog granta u slučaju kada je aplikant organizacija;**
- **naknadu za usluge koordiniranja projekta čije potraživanje prelazi 10% vrijednosti traženog granta u slučaju kada je aplikant organizacija;**
- **troškove prevoza, goriva, telefona i troškove projektnog osoblja u slučaju kada je aplikant neformalna grupa ne možemo podržati,** (Izuzetak je prevoz u slučaju da se radi o angažmanu prevoznika za realizaciju određene projektne aktivnosti);
- ne podržavamo projekte koji na bilo koji način štete okolišu, te u skladu s tim želimo skrenuti pažnju aplikantima da u realizaciji projektnih prijedloga vode računa da koriste biorazgradive materijale koji ne predstavljaju opasnost za okoliš i živi svijet;
- dodjele humanitarne pomoći;
- **ako je traženi iznos veći od vlastitog učešća u projektu, uključujući i volonterski rad;**
- za nabavku osnovnih sredstava rada;
- magistarske i doktorske radove;
- za projekte koji su primarno za unapređenje religije i politike;
- projekte političkih partija ili njihovih ogranaka;
- projekte vjerskih institucija ili organizacija;
- zahtjeve za sponzoriranje, reklamiranje, podrška događajima za namicanje sredstava i velike zahtjeve za sredstvima;
- **trenažne procese sportskih klubova i putovanja;**
- kotizacije i troškove takmičenja u ligama;
- zahtjeve od velikih dobrotvornih društva (izuzev kada lokalni ogranak, koji ima odvojeni organ upravljanja, implementira nezavisnu aktivnost za dobrobit zajednice);
- **plaćanje isključivo honorara za trenere ili druge osobe angažovane po projektu;**
- projekte koji su primarno usmjereni na ostvarivanje profita;
- troškove isključive registracije novog udruženja, osim u slučaju kada neformalna grupa kroz realizaciju projekta želi osnovati novo udruženje;
- projekte koji promovišu nasilje, mržnju ili bilo koji vid diskriminacije;
- projekte koji u svojim aktivnostima imaju uređenja i renoviranja spomen obilježja, groblja i mezarja;
- kupovine alkoholnih pića;
- projekte koji traju duže od godinu dana;
- **projekte koji se realizuju izvan Tuzlanskog kantona.**

#### **KAKO APLICIRATI?**

- Savjetujemo vam da unaprijed promislite o vašoj aplikaciji.
- Projektne aktivnosti možete planirati najranije 30 dana od zatvaranja roka na koji ste se prijavili, jer će Komisija za odabir projekata donijeti odluku u periodu od maksimalno 30 dana nakon zatvaranja svakog aplikacionog kruga;
- **Ohrabrujemo sve grupe da u toku procesa pripreme projekata traže konsultacije sa osobljem ili mentorima FTZ-a kako bi njihove aplikacije bile što kvalitetnije pripremljene;**
- **Projektne prijedlog se dostavlja popunjavanjem [online aplikacije](#) koja se nalazi na web stranici Fondacije tuzlanske zajednice;**



- Potpisanu i ovjerenu dokumentaciju treba dostaviti poštom ili lično u kancelariju Fondacije tuzlanske zajednice, na adresu: Pozorišna 13, 75000-Tuzla sa naznakom „**Fond Kiseljak - JAVNI POZIV 6-FK-1/21**“, u roku od 7 dana nakon potvrde grant tima da je zaprimljena elektronska verzija aplikacija;
- Registrovana udruženja trebaju **dostaviti kopiju rješenja o registraciji, statuta i završnog računa** za prethodnu godinu (bilans stanja i uspjeha), dokaz o otvorenom žiro računu, te eventualno izjavu o partnerstvu ako se radi o partnerskim projektima;
- **Ukoliko se projekat realizuje u školi ili drugoj odgojno obrazovnoj ili javnoj ustanovi, aplikant je obavezan dostaviti odobrenje odgovornog lica za provedbu projekta u toj ustanovi;**
- Aplikanti su dužni omogućiti grant timu Fondacije da izvrši predgrantovsku procjenu rada i poslovanja organizacije u prethodnom periodu. Predgrantovska procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces predgrantovske procjene mogu dobiti novčanu podršku.
- Aplikacije se nakon toga prezentuju nezavisnoj građanskoj Komisiji za odabir projekata za podršku.
- Svi aplikanti će biti pismeno obaviješteni o odlukama Komisije, bez obzira da li je odobrena podrška ili ne.
- Neformalne grupe koje dobiju podršku svoj projekat će realizovati na način da će dobiti in-kind finansiranje projekta, koje podrazumijeva da će sve troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i dostavi ih Fondaciji.
- Po finalnom odabiru projekata, i objavljivanju rezultata na web stranici Fondacije bit će otvoren rok za prigovore u trajanju od 7 radnih dana. Pravo na prigovor imaju svi sudionici na objavljenom pozivu koji iz određenih razloga nisu zadovoljni svojom pozicijom na rang listi odobrenih grantova.

#### **KRITERIJI I NAČIN OCJENJIVANJA PROJEKATA**

Ocjenjivanje i odabir projekata neprofitnih organizacija vršit će građanska Komisija Fonda Kiseljak imenovana od strane Upravnog odbora Fondacije tuzlanske zajednice. Komisija će, nakon provjere da li projekti zadovoljavaju uslove ovog Javnog poziva vrednovati prijedloge projekata prema kriterijima s pripadajućim brojem bodova.

Kriteriji za ocjenjivanje su:

- Relevantnost u odnosu na teme;
- Relevantnost u odnosu na ciljne grupe;
- Učešće građana i sufinansiranje iz lokalnih izvora i dijaspore;
- Jačanje civilnog sektora i organizacije civilnog društva;
- Uticaj na vlasti i lokalne politike;
- Budžet i relevantnost troškova.

Komisija vrši rangiranje projektnih prijedloga na osnovu izvršenog bodovanja, tako da je prvoplasirani projektni prijedlog onaj koji ima najveći zbir bodova, a slijedi projekat s prvim sljedećim nižim zbirom bodova i tako do najnižeg zbira osvojenih bodova.

Podrška će biti dodjeljena najbolje rangiranim projektima, zavisno od raspoloživih sredstava u Fondu.



Kriterij	Maximalan Broj bodova	Ocjena
<b>KRITERIJ 1 – RELEVANTNOST U ODNOSU NA TEME</b>	<b>15</b>	
1.1. Da li je projekat u skladu sa ciljevima strateškog plana za razvoj MZ Kiseljak	5	
1.2. Da li projekat odgovara na relevantne teme?	5	
1.3. Da li se realizacijom projekta rješava konkretan problem u lokalnoj zajednici?	5	
<b>KRITERIJ 2 – RELEVANTNOST U ODNOSU NA CILJNE GRUPE</b>	<b>15</b>	
2.1. Da li je projekat vezan za prioritetne ciljne grupe (mladi, žene, ranjive kategorije) i ciljane zajednice (marginalizirane, ruralne i zapostavljene zajednice)	5	
2.2. Koliko će se projektom poboljšati uslovi življenja u zajednici?	5	
2.3. Da li korist od projekta ima manja ili veća grupa ljudi.	5	
<b>KRITERIJI 3 – UČEŠĆE GRAĐANA I SUFINANSIRANJE IZ LOKALNIH IZVORA I DIJASPORE</b>	<b>20</b>	
3.2. Da li će projekat uključiti veliki broj građana/volontera u projekat?	5	
3.1. Da li je izraženo volontersko učešće aplikanta u projektu?	5	
3.5. Da li postoji sufinansiranje iz lokalnih izvora, biznisa, pojedinaca, dijaspora ?	5	
3.4. Da li je ukupna vrijednost projekta manja od 10.000 KM?	5	
<b>KRITERIJ 4 – JAČANJE CIVILNOG SEKTORA ORGANIZACIJE CIVILNOG DRUŠTVA</b>	<b>15</b>	
4.1. Da li će udruženje/grupa/organizacija ojačati kroz projekat?	5	
4.2. Da li će projekat uticati na jačanje civilnog sektora?	5	
4.3. Da li projekat podstiče partnerstva unutar civilnog sektora?	5	
<b>KRITERIJ 5 – UTICAJ NA VLASTI I ORGANIZIRANOST ZAJEDNICE</b>	<b>20</b>	
5.1. Da li će se kroz projekat saradivati sa vlastima?	5	
5.2. Da li će biti riješen konkretan problem kroz zagovaranje prema vlastima?	5	
5.3. Da li se inicijativa može prikazati kao pozitivna priča za sistemsku promjenu?	5	
5.4. Da li inicijativa doprinosi razvoju modela organiziranja građana?	5	
<b>KRITERIJ 6 – BUDŽET I RELEVANTNOST TROŠKOVA</b>	<b>15</b>	
6.3. Da li je budžet realističan i u skladu sa predloženim aktivnostima?	5	
6.4. Da li su tražena sredstva za projektne troškove u skladu sa aktuelnim cijenama u okruženju?	5	
6.2. Može li se sa traženim sredstvima u potpunosti riješiti problem ili se rješava samo dio problema?	5	
<b>MAKSIMALNI UKUPNI ZBIR</b>	<b>100</b>	


#### POTPISIVANJE UGOVORA SA ODABRANIM APLIKANTIMA

- Aplikanti čiji projekti budu odabrani za podršku će potpisati Ugovor o donaciji sa Fondacijom tuzlanske zajednice i tako postati korisnici grant sredstava.

Navedeni kriteriji su usklađeni sa Strateškim planom 2020-2024 Fondacije tuzlanske zajednice i zahtjevima donatora Fonda.

U Tuzli, 05.08.2021.



  
\_\_\_\_\_  
Jasna Jašarević